



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans**

**Kinckius, Matthias**

**Coloniæ, 1662**

De orationibus ante & post Missam dicendis,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

# PARS III.

DE ORATIONIBUS ANTE ET  
post Missam dicendis.

PRÆPARATIO AD MISSAM  
*pro opportunitate Sacerdotis faci-*  
*enda.*

## ANTIPHONA.

**N**E reminiscaris, Domine, delicta  
nostra, vel parentum nostrorum,  
neque vindictam sumas de peccatis no-  
stris. *Quæ Antiphona in Festis Duplicibus*  
*tantum duplicatur: Et tempore Paschali ad-*  
*ditur in fine Alleluja, Deinde dicantur se-*  
*quentes Psalmi*

Psalmus 83.

**Q**uam dilecta tabernacula tua Domine  
virtutum: concupiscit & defecit ani-  
ma mea in atriis Domini.

Cor meum & caro mea: exultaverunt in  
Deum vivum.

Etenim passer invenit sibi domum: & tur-  
tur nidum sibi, ubi reponat pullos suos.

Altaria tua, Domine virtutum: Rex meus,  
& Deus meus.

N 3

Bea-

Beati, qui habitant in domo tua, Domine  
in sacula seculorum laudabunt te.

Beatus vir, cuius est auxilium abster-  
censiones in corde suo disposuit in valle lacry-  
marum, in loco, quem posuit.

Etenim benedictionem dabit Legislator  
abundantia virtute in virtutem: videbitur  
Deus Deorum in Sion.

Domine, Deus virtutum, exaudi orationem  
meam: auribus percipe, Deus Iacob.

Protector noster, aspice Deus: & respice in  
faciem Christi tui.

Quia melior est dies una in atrijs tuis: super  
multa.

Elegi abjectus esse in domo Dei mei: magis  
quam habitare in tabernaculis peccatorum.

Quia misericordiam, & veritatem diligit  
Deus: gratiam & gloriam dabit Dominus.

Non privabit bonis eos, qui ambulant in in-  
nocentia: Domine virtutum, beatus homo,  
qui sperat in te.

Gloria Patri, &c.

Psalmus 84.

**B**enedixisti, Domine, terram tuam: au-  
disti captivitatem Iacob.

Remisisti iniquitatem plebi tuae: operibus  
impia peccata eorum.

Mit

Mitigasti omnem iram tuam : avertisti ab ira indignationis tuae.

Converte nos , Deus salutaris noster , & averte iram tuam à nobis.

Nunquid in aeternum irasceris nobis : aut extendis iram tuam à generatione in generationem ?

Deus tu conversus vivificabis nos : & plebs tua letabitur in te.

Ostende nobis Domine , misericordiam tuam : & salutare tuum da nobis.

Audiam quid loquatur in me Dominus Deus : quoniam loquetur pacem in plebem suam.

Et super sanctos suos : & in eos , qui conver-  
suntur ad eum.

Veruntamen propè timentes eum salvabitur ipse : ut in habitat gloria in terra nostra.

Misericordia & veritas obviam sibi :  
iustitia & pax osculatae sunt.

Veritas de terra nostra dabit benignitatem :  
& terra nostra dabit fructum suum.

Iustitia ante eum ambulabit : & ponet in  
via gressus suos.

Gloria Patri, &c.

Psalmus 85.

**I** Nclina, Domine, aurem tuam , & exaudi  
me : quoniam inops & pauper sum ego.

N. 4

Custo-

Custodi animam meam, quoniam sanctus sum: saluum fac seruum tuum, Deus meus, sperantem in te.

Miserere mei Domine, quoniam ad te clamaui tota die: latifica animam serui tui, quoniam ad te, Domine, animam meam clamavi.

Quoniam tu Domine, suavis & mitis: & multa misericordia omnibus invocantibus te.

Auribus percipe orationem meam: & intende voci deprecationis mee.

In die tribulationis mea clamaui ad te: quia exaudisti me.

Non est similis tui in Dijs, Domine: & non est secundum opera tua.

Omnes Gentes quas cumque fecisti, venient, & adorabunt coram te Domine: & glorificabunt nomen tuum.

Quoniam magnus es tu, & faciens mirabilia: tu es Deus solus.

Deduc me, Domine, in via tua, & ingrediar in veritate tua: latetur cor meum, ut in meat nomen tuum.

Confitebor tibi, Domine, Deus meus, in toto corde meo: & glorificabo nomen tuum, in aeternum.

Quia misericordia tua magna est super me, & eruisti animam meam ex inferno inferiori.

Deus

Deus, iniqui insurrexerunt super me, & synagoga potentium quasi erunt animam meam: & non proposuerunt te in conspectu suo.

Et tu, Domine, Deus miserator & misericors patiens, & multa misericordia, & verax.

Respice in me & miserere mei, da imperium tuum puero tuo: & saluum fac filium ancille tue.

Fac meum signum in bonum, ut videant qui oderunt me, & consolatus es me.

Gloria Patri, &c.

Psalmus 115.

**C**redidi, propter quod locutus sum: ego autem humiliatus sum nimis:

Ego dixi in excessu meo: Omnis homo mendax.

Quid retribuam Domino pro omnibus que retribuit mihi?

Calicem salutaris accipiam: & nomen Domini invocabo.

Vota mea Domino reddam coram omni populo eius: pretiosas in conspectu Domini, mors sanctorum eius.

O Domine, quia ego servus tuus: ego servus tuus, & filius ancille tue.

Dirupisti vincula mea, tibi sacrificabo hostiam laudis: & nomen Domini invocabo.

N S

Vota

*Vota mea Domino reddam in conspectu omnis populi eius: in atriis domus Domini, in medio tui Ierusalem.*

*Gloria Patri, &c.*

*Psalmus 129.*

**D**E profundis clamavi ad te, Domine Domine, exaudi vocem meam.

*Fiant aures tuae intendentes: in vocem deprecationis meae.*

*Si iniquitates observaveris, Domine: Domine, quis sustinebit?*

*Quia apud te propitiatio est: Et propter legem tuam sustinuit, Domine.*

*Sustinuit anima mea in verbo eius: speravit anima mea in Domino.*

*A custodia matutina usque ad noctem: speret Israel in Domino.*

*Quia apud Dominum misericordia: Et propitiosa apud eum redemptio.*

*Et ipse redimet Israel: ex omnibus iniquitatibus eius.*

*Gloria Patri, & Filio, &c.*

*Deinde repetitur Antiphona.*

*Ne reminiscaris, Domine, delicta nostra, vel parentum nostrorum: neque vindictam sumas de peccatis nostris.*

*Postea*

*Postea Sacerdos dicit.*

Kyrie eleison Christe eleison. Kyrie  
eleison. Pater noster Vers. Et ne nos in-  
ducas in tentationem Resp. Sed libera  
nos à malo Vers. Ego dixi, Domine, mi-  
serere mei Resp. Sana animam meam,  
quia peccavi tibi Vers. Convertere, Do-  
mine, aliquantulum Resp. Et depreca-  
re super servos tuos Vers. Fiar misericor-  
dia tua, Domine, super nos Resp. Quem-  
admodum speravimus in te Vers. Sacer-  
dotes tui induantur justitiam Resp. Et  
sancti tui exultent Vers. Ab occultis  
meis munda me Domine Resp. Et ab  
alienis parce servo tuo Vers. Domine  
exaudi orationem meam Resp. Et cla-  
mor meus, &c. Vers. Dominus vobis-  
cum Resp. Et cum spiritu tuo.

O R E M U S.

**A**ures tuæ pietatis mitissime Deus,  
inclina precibus nostris & gratia  
sancti Spiritus illumina cor nostrum: ut  
tuis mysterijs dignè ministrare, teque  
æterna charitate diligere mereamur.

Deus, cui omne cor pater, & omnis  
voluntas loquitur, & quem nullum la-  
tet secretum: purifica per infusionem  
sancti Spiritus cogitationes cordis no-

N 6

stri 2



stri : ut te perfectè diligere, & indignè laudare mereamur.

Ure igne sancti Spiritus renes nostros, & cognosstrum, Domine ; ut tibi casto corpore seruiamus, & mundo corde placeamus.

Mentes nostras, quæsumus Domine : Paraclitus, qui à te procedit, illuminet, & inducat in omnem, sicut tuus promisit filius, veritatem.

Adsit nobis, quæsumus, Domine, virtus Spiritus sancti : quæ & corda nostra clementer expurget, & ab omnibus tueatur adversis.

Deus qui corda fidelium sancti Spiritus illustratione docuisti : da nobis in eodem spiritu recta sapere, & de eius semper consolatione gaudere.

Conscientias nostras, quæsumus, Domine, visitando purifica : ut veniens Dominus noster Jesus Christus filius tuus, pararam sibi in nobis inveniat mansionem. Qui tecum vivit & regnat, in

unitate Spiritus sancti Deus,  
per omnia sæcula sæculorum. Amen.

## ORATIO DEVOTISSIMA

*dicenda à Sacerdote ante, vel post  
celebrationem Missæ.*

**P**ater cœlestis, clementissime Domi-  
ne, pater misericordiarum: suscipe  
hodie per manus servi tui hoc sacrosan-  
ctum sacrificium, verum corpus, & san-  
guinem unigeniti Filij tui Domini no-  
stri Iesu Christi, in satisfactionem & re-  
missionem omnium peccatorum meo-  
rum, in salutem, & fortitudinem ani-  
mæ meæ, & totius domus meæ, & om-  
nium illorū, quibus aliqua obligatione  
teneor, & omnium Dominorum, Præ-  
latorum, Prædicatorum, Sacerdotum,  
& Religiosorum Catholicæ fidei, ut eis  
gratiam Spiritus sancti impertiri digne-  
ris ad salutem animarum suarum, & re-  
gimen totius populi Christiani, & om-  
nium peccatorum huius mundi, ut eos  
convertas, & ducas ad viam salutis, in  
consolationem omnium tribulatorum,  
ut eis adiutorium, & veram patientiam  
tribuas: in refrigerium, & liberationem  
omnium animarum, existentium in  
Purgatorio, & maximè illarum, quæ

N 7

AUG.

auxilium à me jure expectant, & ad illuminationem, & conversionem omnium gentium, infidelium, & hæreticorum, & schismaticorum: ut cognoscant, & ament te summam veritatem, Patrem omnipotentem, qui cum Filio; & Spiritu sancto es laudabilis Deus, & benedictus in sæcula sæculorum. Amen.

ALIA ORATIO ANTE MISSAM.

**D**Eus, qui de indignis dignos facis, & de peccatoribus justos, & de immundis mundos: munda cor, & corpus meum, ab omni contagione, & forde peccati, & fac me dignum atque strenuum sanctis Altaribus tuis ministrum, concede propitius, ut in hoc altari, ad quod indignus accedo, hostias acceptabiles, atque placabiles offeram pietati tuæ pro peccatis, & offensionibus, innumerisque & quotidianis excessibus meis, atque cunctorum simul Christianorum culpis abluendis, & per eum sit tibi votum meum acceptabile, qui se tibi Deo Patri pro nobis obtulit sacrificium. Qui tecum vivit, & regnat in unitate Spirit. sancti Deus &c.

ALIA

## ALIA ORATIO.

**O**bscuro te, dulcissime Jesu Chri-  
ste, ut passio tua sit mihi virtus  
quâ muniar, protegar, atque defendar,  
vulnera tua sint mihi cibus, & potus  
quibus pascar, enutriar atque delecter;  
aspersio sanguinis tui sit mihi ablutio  
omniam peccatorum meorum. Mors  
tua sit mihi vita indeficiens: Crux tua  
sit mihi gloria sempiterna: resurrectio,  
& auxilium: sanitas & gaudium: de-  
siderium, & solatium cordis mei, nunc,  
& in perpetuum. Qui vivis & regnas  
cum Deo Patre in unitate Spiritus san-  
cti Deus: Per omnia sæcula sæculor-  
um. Amen.

*Alia, ex longiori Oratione S. Ambrosij  
Episcopi.*

**D**oce me, Domine, indignum fa-  
mulum tuum, quem inter cate-  
ra dona tua ad officium Sacerdotale vo-  
care dignatus es, nullis meis meritis,  
sed solâ dignatione misericordiæ tuæ,  
per Spiritum sanctum tuum, tantum

tractare mysterium eã reverentiã , &  
 timore , quibus oportet , & decet , & fac  
 me per gratiam tuam semper illud de  
 tanto mysterio credere & intelligere ,  
 sentire & firmiter tenere , dicere & co  
 gitare , quod tibi placet & expedit ani  
 mæ meæ . Qui in Trinitate perfecta vi  
 vis & regnas Deus in sæcula sæculorum ,  
 Amen .

*Alie Orationes pro opportunitate Sacerdotis  
 ante celebrationem , & Communionem  
 dicenda*

Oratio S. Ambrosij Episcopi .

*Die Dominico*

SUMME Sacerdos , & vere Ponti  
 fex Iesu Christe , qui te obtulisti  
 Deo Patri hostiam puram , & immacu  
 latam , in ara Crucis pro nobis miseris  
 peccatoribus : & qui dedisti nobis car  
 nem tuam ad manducandum , & sangui  
 nem tuum ad bibendum , & posuisti my  
 sterium illud in virtute Spiritus sanctis  
 dicens : Hæc quotiescumque feceris  
 in mei memoriam facietis . Rogo te  
 per sanguinem tuum pretiosum , mag  
 num salutis nostræ pretium . Rogo te  
 per

per hanc miram, & ineffabilem charita-  
 tem, qua nos miseros, & indignos sic  
 amare dignatus es; ut lavares nos à  
 peccatis nostris in sanguine tuo. Doce  
 me indignum servum tuum, quem in-  
 ter cætera dona tua ad officium sacer-  
 dotale vocare dignatus es, nullis meis  
 meritis, sed sola dignatione misericor-  
 diæ tuæ. Doce me, quæso, per Spiritum  
 sanctum tuum, tantum tractare myste-  
 rium, ea reverentia, & honore, eaque  
 devotione, & timore, quibus oportet,  
 & decet. Fac me Domine JESU per gra-  
 tiam tuam semper illud de tanto myste-  
 rio credere, & intelligere, dicere, & co-  
 gitare, sentire, & firmiter retinere,  
 quod tibi placet, & expedit animæ  
 meæ. Intret Spiritus tuus bonus in cor  
 meum, qui sonet tibi sine sono, & sine  
 strepitu verborum loquatur omnem ve-  
 ritatem tantorum mysteriorum, quæ  
 profunda sunt nimis, & sacro reeta ve-  
 lamine; propter magnam clementiam  
 tuam, concede mihi hodie, & semper  
 Missarum solemnia puro corde, & pura-  
 mente celebrare. Libera cor meum ab  
 immundis, & nefandis, vanis, & nox-  
 ijs cogitationibus. Munime beatorum  
 Ange-

Angelorum pia, & fida tutela, atque fortissima custodia, ut hostes omnium bonorum confusi discedant per virtutem tanti mysterij, & per manum sancti Angeli tui. Repelle à me Domine Jesu Christe, & à cunctis servis tuis durissimum spiritum superbix, cenodoxix, invidix, iracundix, fornicationis, & immunditix, dubietatis, & blasphemix. Confundantur, qui me persequuntur: pereant illi, qui perdere cuncta festinant.

*Feria secunda.*

**R**EX virtutum, amator castitatis, & integritatis Deus: cœlesti rore benedictionis tuæ extingue in corpore meo fomitem ardentis libidinis: ut maneat in me nitor castitatis animæ, & corporis. Mortifica in me carnis stimulos, omnesque libidinis commotiones, & da mihi veram, & perpetuam castitatem cum cæteris bonis tuis, quæ tibi placent in veritate, ut sacrificium laudis casto corpore, & mundo corde valeam tibi offerre. Quanta enim cordis cōtritione, & lacrymarum fonte, quanta reverentia,  
& re-

& tremore, quanta corporis castitate  
animæ puritate hoc divinum, & cœle-  
ste sacrificium est celebrandum, Domi-  
ne? ubi caro tua in veritate sumitur:  
ubi sanguis tuus in veritate bibitur:  
ubi summis ima coniunguntur: ubi ad-  
est sanctorum præsentia Angelorum:  
ubi tu es sacerdos, & sacrificium mira-  
biliter, & ineffabiliter constitutus.

*Feria tertia.*

**Q**uis dignè hoc celebrare myste-  
rium poterit, nisi tu Deus omnipo-  
tens offerentem feceris dignum? Scio,  
& verè scio, & ipse pietati tuæ confi-  
teor, quod non sum dignus accedere  
tantum mysterium, propter nimia pec-  
cata mea, & infinitas negligentias meas.  
Sed scio veraciter, & credo ex toto cor-  
de, & ore confiteor: quia tu potes me  
facere dignum, qui solus potes facere  
mundum de immundo conceptum se-  
mine: & de peccatoribus justos facis, &  
sanctos. Per hanc omnipotentiam tuam  
te rogo, ut concedas mihi peccatori,  
hoc cœleste sacrificium celebrare cum  
& more, & tremore, cum cordis purita-

te,



te, & lacrymarum fonte, cum lætitiâ  
spirituali, & cœlesti gaudio. Sentiat  
mens mea dulcedinem beatissimæ præ-  
sentia tuæ, & excubias sanctorum An-  
gelorum tuorum in circuitu meo.

*Feria quarta.*

**E**GO enim Domine memor veneran-  
dæ passionis tuæ, accedo altare tuum,  
licet peccator, ut offeram tibi sacrifici-  
um, quod tu instituisti, & offerri  
præcipisti in commemorationem pro  
salute nostra. Suscipe ergo istud, queso  
summe DEUS, dulcissime JESU Chri-  
ste, pro Ecclesia tua sancta, & pro cur-  
sto populo, tuo, quem acquisivisti san-  
guine tuo pretioso. Et quoniam me  
peccatorem inter te, & eundem popu-  
lum medium esse voluisti, licet in me  
boni operis testimonium nõ agnoscam,  
officium dispensationis creditæ, non re-  
cuses: nec per me indignum famulum  
tuum eorum salutis pereat pretium, pro  
quibus victima factus salutaris, digna-  
rus es esse redemptio. Profero ergo Do-  
mine (si dignaris propitius intueri) tri-  
bulationes plebeium, pericula populo-  
rum,

rum,

rum, captivorum gemitum, miseriam orphanorum, necessitates peregrinorū, inopiam debilium, desperationes languentium, defectus senum suspiria juvenum, vota virginum, lamenta viduarum, Tu enim misereris omnium Domine, & nihil odisti eorum quæ fecisti.

*Feria quinta.*

**M**EMORARE quæ sit nostra substantia: quia tu pater noster es, ne irascaris nobis, neque multitudinem viscerum tuorum super nos contineas. Non enim in justificationibus nostris prosternimus preces nostras ante faciem tuam, sed in miserationibus tuis multis. Aufer à nobis Domine iniquitates nostras: & ignem sancti Spiritus in nobis clementer accende. Aufer cor lapidum de carne nostra & da nobis cor carneum, quod te timeat, diligat, & honorificet: te delectetur, te sequatur, & te perfruatur. Oramus Domine clementiam tuam, ut sereno vultu familiam tuam sacri tui nominis officia præstolantem, aspicere digneris. Et ut nullius sit irritum votum, nullius vacua postu-

postulatio, tu nobis preces suggero,  
quas ipse audire, & propitius exaudire  
delecteris.

*Feria sexta.*

**R**OGAMUS etiam te Domine, pro ani-  
mabus fidelium defunctorum: ut sis  
illis salus æterna, ac perpetua sanitas,  
gaudium, & refrigerium sempiternum.  
Hoc magnum pietatis sacramentum,  
Domine Deus meus, sit illis hodie mag-  
num, & plenum gaudium de re pane vi-  
vo, & vero, qui de cælo descendisti, &  
das vitam mundo, de carne sancta, &  
benedicta, agni videlicet immaculati,  
qui tollit peccata mundi. Et potari de  
fonte pietatis tuæ, qui per lanceam mi-  
litis de latere tuo emanavit: ut conso-  
lati exultent in laude, & gloria tua san-  
cta. Peto clementiam tuam, ut descen-  
dat super hunc panem, & calicem ple-  
nitude tuæ divinitatis. Descendat etiam  
Domine illa Spiritus sancti tui invisibi-  
lis forma, incomprehensibilis que ma-  
jestas, sicut quondam in Patrum ho-  
stias descendebat, quæ & oblationes  
mostras, corpus, & sanguinem tuum

effi-

CELEBRANDI MISSAM. III

efficiat, & me indignum sacerdotem  
 tuum doceat: tantum tractare myste-  
 rium: ita ut placidè, & benignè susci-  
 pias sacrificium de manibus meis ad sa-  
 lutem omnium, tam vivorum, quàm  
 defunctorum. Rogo te Domine per ip-  
 sum sacrosanctum, & vivificum myste-  
 rium corporis, & sanguinis tui, quo  
 quotidie, in Ecclesia tua pascimur, &  
 portamur: abluimur, & sanctificamur  
 atque unius tuæ, summæque divini-  
 tatis participes efficiamur: da mihi virtu-  
 tes sanctas, quibus repletus, bona con-  
 scientia ad altare tuum accedam: ita  
 ut hæc cœlestia sacramenta efficiantur  
 mihi salus, & vita. Tu enim dixisti  
 ore tuo sancto, & benedicto: Panis,  
 quem ego dabo, caro mea est pro mun-  
 di vita. Et: Qui manducat me, vivet  
 propter me, ipse manet in me, & ego  
 in eo: Ego sum panis vivus, qui de cœ-  
 lo descendi. Si quis manducaverit ex  
 hoc pane, vivet in æternum.

*Sabbato.*

**P**ANIS dulcissime, sana palatum cor-  
 dis mei: ut sentiam suavitatem a-  
 moris

moris tui. Sana illud ab omni languore, ut nullam præter te amet pulchritudinem. Panis candidissime, habens in te omne delectamentum, & omnem saporrem, qui nos de te semper reficis: comedat te cor meum, & dulcedine saporis tui repleantur viscera animæ meæ. Manducat te angelus pleno ore in patria: manducet te peregrinus homo pro modulo suo, ne deficere possit in vitali recreatus viatico. Panis sancte, panis vive, panis pulcher, panis munde, qui descendisti de cælo, & das vitam mundo: veni in cor meum, & munda me ab omni inquinamento carnis, & spiritus. Intra in animam meam: sana, & sanctifica me interius, & exterius. Esto tutamen, & continua salus corporis, & animæ meæ. Repelle à me insidiantes mihi hostes: recedant procul à præsentia tua, ut foris, & intus munitus, recto tramite ad regnum tuum perveniam, ubi non mysterijs, sicut in hoc tempore agitur; sed facie ad faciem te videbimus, cum tradideris regnum Deo Patri, & Deus erit omnia in omnibus. Tunc enim me de te satiabis satietate mirifica; ita ut neque esuriam,  
neque

neque

neq; sitiam in æternum. Qui cum eodem  
Deo Patre, & Spiritu sancto vivis, & re-  
gnas per omnia sæcula sæculorū, Amen.

*Alia Oratio S. Ambrosij.*

**A**D mensam dulcissimi convivij tui,  
Pie Domine Jesu Christe, ego pec-  
cator de proprijs meritis nihil præsu-  
mens, sed tua confidens misericordia,  
& bonitate, accedere vereor, & contre-  
misco. Nam corpus habeo multis cri-  
minibus maculatum: mentem, & lin-  
guam non cautè custoditam. Ergo,  
ô pia deitas, ô tremenda majestas, ego  
miser inter angustias deprehensus, ad te  
fontem misericordiæ recorro: ad te  
festino sanandus: sub tuam protectio-  
nem fugio: quem judicem sustinere  
nequeo, Salvatorem habere suspiro.  
Tibi Domine plagas meas ostendo: tibi  
verecundiam meam derego. Scio pec-  
cata mea multa, & magna, pro quibus  
timeo. Spero misericordias tuas, quarū  
non est numerus. Respice in me oculis  
misericordiæ tuæ Domine Jesu Chri-  
ste, rex æterne, Deus, & homo cruci-  
fixus propter hominam. Exaudi me

Q

Speran.

sperantem in te : miserere mei pleni mi-  
 serijs, & peccatis tu qui fontem misera-  
 tionis nunquam manare cessabis. Salve  
 salutaris victima, pro me, & omni hu-  
 mano genere in patibulo crucis oblati.  
 Salve nobilis, & pretiose sanguis de  
 vulneribus crucifixi Domini mei Jesu  
 Christi profluens, & peccata totius  
 mundi abluens. Recordare Domine  
 creaturæ tuæ, quam tuo sanguine re-  
 demisti : pœnitet me peccasse: cupi-  
 emendare, quod feci. Aufer ergo a me  
 clementissime Pater, omnes iniquita-  
 tes, & peccata mea; ut purificatus men-  
 te, & corpore dignè degustare mereat  
 Sancta Sanctorum : & concede, ut san-  
 cta prælibatio corporis, & sanguinis  
 tui, quam ego indignus sumere inten-  
 do, sit peccatorum meorum remissio,  
 sit delictorum perfecta purgatio, sit tur-  
 pium cogitationum effugiatio, bono-  
 rum que sensuum regeneratio, operum  
 que tibi placentium salubris efficacia,  
 animæ quoque, & corporis, contra  
 inimicorum meorum insidias fir-  
 missima tutio,  
 Amen.

*Oratio Sancti Thoma Aquinatis.*

**O**Mnipotens sempiterne DEUS, ecce accedo ad sacramentum unigeniti filij tui Domini nostri JESU Christi. Accedo tanquam infirmus ad medicum vitæ, immundus ad fontem misericordiæ, cæcus ad lumen claritatis æternæ, & pauper, & egenus ad Dominum cœli, & terræ. Rogo ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cœcitatem, ditare paupertatem, vestire nuditatem: ut te panem Angelorum, regem regum, Dominum dominantium, tanta suscipiam reverentia, & humilitate, tanta contritione, & devotione, tanta puritate, & fide, tali proposito, & intentione, sicut expedit salutis animæ meæ. Da mihi, quæso, dominici corporis, & sanguinis, non solum suscipere sacramentum, sed etiam rem, & virtutem sacramenti. **O** mitissime Deus, da mihi corpus unigeniti filij tui Domini nostri Jesu Christi, quod

**O** **a**traxit



traxit de Virgine Maria, sic suscipere  
 ut corpori suo mystico merear incorpo-  
 rari, inter eius membra connumerari.  
 O amantissime Pater, concede mihi de-  
 lectum filium tuum, quem nunc vel  
 in via suscipere propono, revelata  
 dem facie perpetuò contemplari. Qui  
 tecum vivit, & regnat in unitate Spi-  
 ritus Sancti Deus, per omnia sæcula sæ-  
 culorum, Amen.

*Precatio ad Beatissimam Virginem Mariam  
 ante Missam.*

**O** MATER pietatis, & misericordie,  
 Beatissima Virgo Maria, ego miser  
 & indignus peccator ad te confugio  
 toto corde, & affectu: & precor piete-  
 tem tuam, ut sicut dulcissimo filio tuo  
 in cruce pendenti adstitisti, ita & mihi  
 misero peccatori & sacerdotibus omni-  
 bus hîc, & in tota sancta Ecclesia hodie  
 offerentibus elementer assistere, dig-  
 neris, ut tua gratia adjuti, dignam  
 acceptabilem hostiam in conspectu  
 summæ, & individuae Trinitatis offerre  
 valeamus, Amen.

*Ad Sanctum, cuius eo die festum celebratur,  
ante Missam, precatio.*

**O** SANCTE N. ecce ego miser peccator de tuis meritis confusus, offero nunc sacratissimum Sacramentum Corporis, & Sanguinis Domini nostri JESU Christi pro tuo honore, & gloria. Precor te humiliter, & devotè, ut pro me hodie intercedere digneris, ut tantum sacrificium dignè & acceptabiliter offerre valeam: Et cum tecum, & cum omnibus electis tuis æternaliter laudare, atque cum eo regnare valeam, qui vivis, & regnas in sæcula sæculorum, Amen.

GRATIARUM ACTIO POST  
*Missam.*

*Antiph.* Trium puerorum cantemus hymnum: quem cantabant Sancti in camino ignis, benedicentes Dominum,  
*Qua Antiphona in festis duplicibus tantum duplicatur: & tempore Paschali additur in fine Alleluja.*